

阿母河記

富平 張鵬一

阿母河源在葱嶺西。大小帕米爾之間。唐書所謂播密川。有薩雷庫里。伊斯庫爾。朗庫里。諸名。庫里。回語。即華言湖。山海經所謂弱水。出昆侖西南陬。佛書所謂阿耨達池。徐氏西域傳。

補注以西藏瑪帕木達賴池爲阿達池。長與江河水源甚遠。今不從其說。實禹貢雍州西弱水也。出於薩雷庫里者。今曰瓦

罕河。西流。其北有阿爾楚爾河。出於伊斯庫爾者。西南流。與瓦罕河。合爲罕班甲河。伊斯庫爾北。爲朗庫里湖。湖水一支東流。爲伊斯里克河。折北流。有阿格拜塔斯河來會。

即塔克敦巴什河。又西流。合爲阿克蘇河。至魯善部。又名巴雷斯河。巴雷斯。當即噴赤之緩音。西人又謂爲播治。今

瓦罕部哈刺噴赤城。唐之護密國也。噴赤者。五水合流之義。巴雷斯河自上流至此。凡行八百餘里。與自北而南之罕班甲河。合爲阿母河。

禹貢雍州西境之水。限以葱嶺。分東西流。東爲黃河。其西流者。一爲弱水。漢時張騫

使西域。於大宛安息諸國。名其水曰媯水。後此又有縛芻烏濬阿母暗木亞梅諸名。元時馬哥博羅游記作沃克蘇氏河。丁氏謙曰。此河希臘史作奧克薩斯河。今英人蘭士德俄屬游記。謂阿母河名甚多。巴西沈氏曾植曰。爲波斯譯音。人曰非路。又曰發克什。經書

名曰荷薩士。同部古史稱曰亞那。近時土耳其斯丹人稱曰亞木。幼斯畢人稱曰畢。堪底富連顛。名異而河則同。西入又名西黑龍江。見西國近事彙編。下稱古之言弱

水者。禹貢云。至於合黎。入於流沙。山海經云。弱水出昆侖虛西南隅。淮南子云。弱水出窮石入流沙。證以本書。河水出昆侖東北陬。赤水出東南陬。洋水出西北陬。例則

弱水出西南陬。窮石卽在是。是爲昆侖之虛。高誘注以窮石在張掖北。實本漢志注

以張掖刪丹縣。桑欽以爲弱水導此。西至酒泉合黎之語。而不知其地。距昆侖虛遠

甚。故知漢人言窮石。在張掖合黎在酒泉。流沙在居延之說。皆非也。阿耨達池。釋辨

機西域記。下稱釋氏謂之大龍池。云珂屈羅國。今地東接葱嶺。至拘迷陀國。今則

諸湖地漢爲據大蔥嶺內。西南鄰縛芻河。至達摩悉鐵帝國。唐書之其國於顯慶中

以都城爲鳥飛都督府。今瓦罕首部哈刺噴赤城也。尸棄尼國東北。踰山越谷。行七百里。有波迷羅川。今帕米爾大河也。東西千餘里。南北百餘里。兩山間有大龍池。卽阿耨達池。今薩雷庫里等名是也。薩雷庫里。卽大帕米爾。帕米爾有五。薩雷庫里。帕米爾也。朗庫里。帕米爾也。阿爾楚爾。帕米爾也。塔克敦巴什。帕米爾也。瓦罕。帕米爾也。塔克敦巴什。與薩雷庫里相連。許景澄。帕米爾圖說。作薩雷庫勒。謂卽新置識略之逸勒庫爾。西域水道記。作塞勒庫勒。南接塔克敦巴什。附近有塔什庫爾干。西人謂爲漢唐以來東西相通之要道。今西人游厥者。以此爲理裝停頓之地。在葉爾羌西八百里。又云。帕米爾。西爲阿爾楚爾。有伊西庫爾。乾隆二十四年。平定新疆。南路副將軍富德。追回。曾至伊西庫爾。三戰皆捷。高宗御製碑文。銘其功。戈登游記。帕米爾平地。東半迤坦而下。西半陡削。低行。帕中諸水。除塔克敦巴什外。餘皆入阿母河。以阿克蘇河狹而西北流也。俄屬游記。阿母河上游支河。曰潘治。譯云五也。河分五川之義。潘治上。卽薩慮科羅。沈曰。卽薩雷庫里。薩慮科羅。東南三十英里。有亞蘇一流。出於

哀霍羅。

沈曰即義庫里

西流一百二十英里。與木加合。再一百三十三英里。與窩馬境內之

潘治河合。合入大河。以證弱水媯水之源。地望非差。錢氏恂中俄分界私議曰。帕米

爾山形。東西行。分四列。迤東附近薩雷庫里。名赫色勒牙克者。南北行。爲東西大分

水界。赫色勒牙克山迤南而東。爲喀喇昆侖。赫色勒牙克之東。諸水東行。匯爲塔里

木河。其西諸水。西行匯爲阿母河。諸家證明如此。是帕米波迷地名密合。合黎波迷

譯音亦近。帕米爾爲波斯語高原之義。西史謂波迷斯立國最古。唐虞時已入昆侖附近。弱水出窮石在帕米左右。會合五

支。參道光時英人戈登繪米爾游記。西注昆侖虛。爲今葱嶺之西。古今諸說悉符合已。

水經河水篇注曰。河水重源有四。非惟二也。一源西出捐毒國葱嶺上。河源潛發其

嶺。分爲二水。一水西徑休循國南。原注在葱嶺西。又徑難兜國北。北接休循西南去屬實國三百四十里。河

水又西徑屬賓國北。原注月氏之破塞王附君屬賓治循鮮城土地平和。無所不有金銀珍寶異畜奇物。踰子中夏大國也。河水又西

徑月氏國南。原注城治監氏城。又西徑安息國南。原注城臨媯水地。方數千里。大國也。河水與蜺羅跋水同

注雷翥海。釋氏西域記曰。蜺羅跋水出阿耨達山之北。西徑于闐國。酈氏釋葱嶺

以西之水如此。而概以爲河源者。以據河水重源而連及之也。其於安息國下引城臨嬀水。亦以此河水當嬀水也。史記大宛傳三引嬀水。不詳其源。酈氏此條。卽以釋嬀水源流。亦無不可。其言一水西徑休循國南。在葱嶺西。李氏西域圖考。謂休循在葱嶺中。今喀爾提錦布魯特部。地跨克則勒蘇河。河發源葱嶺。西南流入阿母河。北至薩阿賴嶺。錯處布哈爾東境。其南有哈刺庫勒泊。庫在薩雷卽唐之大龍池。東流爲雅滿雅爾河。葱嶺北河之南源。唐之波迷羅川。今阿母河上源也。又云。西徑難兜婁賓國。難兜今乾竺特部。婁賓今克什米爾本齋兩部地。亦阿母河源近地也。又云。西徑月氏安息國南。月氏今布哈爾。阿母河流經如故。惟不徑安息南。爲稍異耳。蜺羅跋水。出阿耨達山北。與今帕米爾五源所出相合。而他書不再見。豈當時縛窳外。又有此名。抑語殊夏楚。難同一致。而云同注雷霧海。則爲一水。非二水明矣。酈氏釋嬀水祇此數條。又別出弱水篇。今佚說存者。不出山海經所云。蓋地涉域外。無可徵信。故據古說以存水道。非河水重源嬀水外。別有弱水。此可斷言也。

河西流至達爾瓦斯部。又過巴打山。折北流。至布哈爾阿富汗二國境。

達爾瓦斯。俄屬游記作打達斯。地在哈爾提錦東南。阿克拜塔斯河之北。當布哈爾

極東。與哈爾提錦部。俄屬游記作加刺梯真同屬布哈爾保護。達爾瓦斯四面皆山。中有大谷。

有潘治及苦利亞斯兩河分流。其地少五穀。人食桑椹。馬食桑葉。境內東西交通甚

艱。居民多貧。瀛環志略。阿富汗北界布哈爾。東界印度。南界卑路芝。西界波斯。東西

二千餘里。南北千餘里。皆中彙編西一八七八年。即光緒四年俄兵部查阿富汗轄境。與

德國若。人民六百萬有奇。而德國有四千萬人。七倍於阿富汗。阿民散處原野。時或

遷徙游牧。崇象教者有八十萬人。回教蘇尼一派居多。國分五部。曰開婆律士丹。都

城名考布爾。一作喀布爾湫隘囂塵。貧窶者衆。曰海薩分二小部。一海薩。一普士德格。曰

科拉賽。又分三部。一堪特哈。一罕拉得。一希拉。屬部曰土其士旦。曰希協士丹。西一

八八四年。即光緒十年謀夫降俄後。俄於裏海東岸米魯洛夫。築鐵道。東至其昔羅亞發。

長一百四十四英里。又接至亞什哈巴。長一百三十五英里。又接至薩刺。長一百八

十六英里。又接至阿富汗都城。長二百英里。共長六百七十英里。布哈爾詳後。

河西流。其北有洪河。源出於浩罕所屬之窩什。中有蘇爾哈布河。俄國游記源出於布

哈爾境內蘇爾哈布山。流長一千三百二十中里。河之南距英屬印度西北匪遙。其南

有可札河。一作霍打河阿富汗東境首入之水也。水流入浩罕。浩罕漢時爲大宛國。史記所

謂大宛之迹。鑿自張騫者也。光緒二年。俄取其國。以都城置費爾干省。

史記大宛傳。元朔初。漢中張騫應募使西域。通大月氏。爲匈奴所得。後亡鄉月氏。西

走數十日。至大宛。歸爲武帝具言西域諸國風俗。大宛在漢正西。可萬里。其俗土著

耕田多善馬。馬汗血。有城郭宮室如中國。有蒲陶可爲酒。多苜蓿。天馬嗜之。馬在貳

師城。匿不肯與漢使。武帝以李廣利爲貳師將軍。伐宛。太初元年。貳師將軍圍其城

四十餘日。宛貴人殺王毋寡約降。出善馬。漢軍取其數十匹。中馬以下牝牡三千餘

匹。立昧蔡爲宛王。與盟而罷兵。漢書傳介子傳。昭帝元鳳中。駿馬監北地傳介子奉

使再至大宛。後漢書西域傳。順帝永建五年。遣使貢獻。元魏時。昭武氏諸國。由祁連

徙依葱嶺。遂有其地。

西域
考說

魏書謂之悉万斤。唐書謂之颯末建。遼時地名尋思干。

西遼爲河中府。元太祖十五年征西域。再克尋思干。以耶律阿海監之。自是元裔主

其地。元末屬駙馬帖木兒。其地又名騫馬兒罕。有城在今浩罕西。今廢。清乾隆二十

四年。平回部。博羅尼都之子薩木克逃浩罕。後其次子張格爾以安集延之衆入寇

新彊西四城。道光七年。官兵敗之。始竄回。同治初。浩罕附俄。三年。安集延阿古柏應

喀什噶爾叛回之召。陷新彊南八城。進據吐魯番。烏魯木齊各城。四年。欽差大臣左

宗棠克復各城。擒阿古柏諸子。並誅安集延酋目阿里達什。平其亂。五年。布魯特回

人阿布都勒哈瑪。又結安集延酋愛克木阿希木二汗。條勒艾買提和卓。

康
教
祖
和
卓

裔之

再內犯。湘軍劉錦棠敗之於喀城。馬帕爾博斯塘特勒克阿依阿提外卡等處。

餘衆竄俄境。阿來地方。兵遂罷。瀛環志略。浩罕有四大城。東爲安集延。其西一百八

十里爲瑪爾噶朗。又西八十里爲納木干。又西八十里爲浩罕城。汗居之。四城皆濱

納林河。所屬小城有三。窩什在其東南。霍占在西南。科拉普在西北。其後塔什干附

之。號浩罕八城。俄屬游記。俄取浩罕城。置費爾千省。今浩罕城周二十七中里。門六。礮臺高八尺。寬丈餘。周四里。兵舍藥局馬廄皆在焉。外有縣令署。大林園。烏拉柏樓。有書院容百人。醫院亦然。戶口三萬六千人。猶太人二千五百。有教堂一所。酒肆四十家。專爲俄兵設。是以有兵弁醉酒監獄。俄兵在土耳其士丹者二萬五千八百名。屯戶可徵馬步礮兵一萬八千名。土產以米麥絲棉爲大宗。雜木果品爲數亦繁。由賽馬爾干東至塔什干。元史譯文補證以下作元史譯補。唐書西域傳石成曰。栢枝曰。栢時。漢時大宛北鄙也。右涯素藥河。卽今塔什干河。卽今錫爾河。會合衆流最遠之源。則爲納林卽唐書之那密水。一千五百七十中里。塔什干城周四十中里。門十二。南

城已毀。俄兵駐之。存者北城耳。城分新舊。俄人居新城。人口四千八百餘。亞洲人居舊城。人口七萬六千。城中街衢寬闊。室用甃砌。天文臺。博物館。圖書館。戲館各一所。商店數家。醫院容四百人。書院有男女學生二千四百六十人。書館藏書九千七百三十餘卷。俄文最多。法德文次之。日報有涉西域事者。皆編輯之。境內氣爾乞河。卡拉蘇河。安噶連河。發源雪山。交流城外。悉資灌田。樹多果品。桑宜養蠶。有地名先支阿。

他者。盛夏時俄人多攜眷支帳而居。余案彙編西一八八九年。即光緒十五年俄擬造中亞

鐵路。由裏海過布哈拉至賽馬爾干。原作薩馬爾干直抵新置喀什噶爾。原作喀之西。計自

裏海米加拉烏斯克。即米魯至賽馬爾干。共長九百英里。以西五月二十七日落成。

至一九二四年。民國十三年延至安集延。分二支線。一由霍占分支。達塔什干。與土耳

其斯坦鐵路相連。一由謀夫分支。南至近阿富汗之庫什克。再擬延至印度河口克

拉蚩。光緒初塔什干回民亂。俄將斯哥得洛夫平之。改塔什干爲費爾干那省。俄革

命後。於一九二四年九月。改省爲烏茲伯克社會主義。無禾維埃共和國。仍以塔什干

爲首都。彙編謂其境南北多山。不過五百中里。東西平衍。不過三百中里。西爾大亞

河經其山間。自東北而西南。大部落城堡皆在河南。惟安抵站。疑即安一城。濱河。英

報謂塔什干部民三百萬。與英之蘇格蘭相埒。其地面積四千英方里。元季蒙古人

稱王印度。即帖木其用兵也。實始於塔什干。

河西流。南岸有昆都斯河北流來入。有昆都斯城。距岸二百餘中里。元魏時大月氏裔

厭達國都也。唐爲覩貨羅地。

河南岸經阿富汗境。有干達庫爾城。釋氏西域記之曷羅胡國。國北臨縛弼河。周二百餘里。有阿索里城。西域記之阿利尼國。國周三百餘里。皆覩貨羅故地。其喀布爾首城西北之巴曼城。卽西域記之梵衍那國。唐之帆延國。治羅爛城。又云。有水北流入烏濟河。卽發源於伊拉克斯山北流之昆都斯也。彙編作厄克斯河。爲阿富汗與印度俄羅斯之界。河南印境。河北卽俄邊也。魏書西域傳。厭達國大月氏種類。在于闐西。都烏濟水南二百餘里。隋書四夷傳。吐火羅都城方二十里。與挹怛雜居。丁氏謙考證曰。吐火羅。卽魏書吐呼羅。古大夏國地。國爲厭達王所轄。故與挹怛雜居。其都城。南史謂之滑國。西域記謂之活國。唐永徽二年。其葉護那史烏溫波奉表告立。高宗遣王名遠至其國。置州縣。以所理阿緩城爲月氏都督府。分其小城爲二十四州。以烏溫爲都督。名遠請於吐火羅國立碑以紀盛德。從之。

河北岸有册瓦治河。又西有加非尼漢河。南流來入。

俄屬游記。冊瓦治河。經庫爾干。丟比城。西流入河。加非尼漢河。源出加非尼漢山。經喀巴丹尼城。西流入河。瀛環志略。布哈爾有四大市城。曰鄂勒推帕。曰濟雜克。曰拜爾哈。曰噶斯尼。喀巴丹尼。當卽噶斯尼也。

河西行。南岸有阿富汗屬之波爾克城。元魏時厭達王別都拔底延城也。元史本紀之班勒紇城。說詳元史譯補南入大雪山要道也。

波爾克城。長春西游記謂之班里。耶律楚材西游錄謂之班城。彙編謂之保耳克城。又作白耳克。又作暴爾喀。在阿富汗北。屬阿已三十年。其西北有邁謀拉。鄒圖作邁美奈

塞里卜洛。

鄒圖作喀列

宏得喀。

鄒圖作安庫伊

三小部。

三部中惟邁謀拉大而強。如保耳克

更無論矣。一八七〇年。卽同治九年俄人說阿富汗曰。爾能視巴達善。敖罕爲界外。吾卽舉邁塞安三部歸爾。阿不肯從。以阿之有巴敖二部。深入天山南路。扼南北數千里之咽喉。權勢之所寄也。周書異域錄。厭達國。大月氏種類。在于闐西。東去長安一萬里。王治拔底延。城蓋王舍城也。地方十餘里。丁謙魏書西域傳考證曰。晉愍帝時。大

月氏裔改號厭達。別都於拔底延。西域記謂之縛喝國。在今阿母河南濱。阿富汗北境之波爾黑即波爾克城。爲自古名城。城中佛寺最盛。時有小王舍之稱。

河西行。北岸有拜蘇爾託河。南流來入。南岸有苦羅木河。北流來入。

拜蘇爾託。游記作蘇哈布。又苦羅木。鄒圖不載。今補。

河西行。北岸有卡什城。漢時康居小王蘇顓城。唐時昭武九姓史國也。元時曰碣石城。鐵門山在其南。

卡什城鄒圖作加爾西北距布哈爾都城三百里。元魏爲迦色尼國城。唐書西域傳曰。史

者或曰佉沙。居獨莫水南。康居小王蘇顓城故地。西域記謂之羯霜那國。元之碣石

城也。南有鐵門山。今名塔什卡刺卡山。高五千二百尺。西域記曰。從羯霜那國西南

行二百餘里入山。阿特勒巴得山崎嶇危險。乏草。山行東南三百餘里。入鐵門。石壁峭拔。色

如鐵。旣設門扉。加以鐵錮。遂以爲名。出鐵門至覲貨羅地。南北千餘里。東西三千餘

里。俄屬游記。由布哈爾北境查里原作沙爾行。經卡斯打慮亞。有沙漠草地。前達平原多

植菜蔬。再前十英里。爲車刺治城。有官如縣令。城西至卡什四十七英里。卡什城圓徑二英里。周六英里。人口二萬五千。有縣令治焉。市中羊絨布店最多。絲綢小刀亦著名。城內禮拜寺五所。大禮拜寺曰科冲巴斯。三百二十年前所建。瓦用瓷製。藍白相間。砌成經文。惜多剝蝕。猶太教堂內三四十人而已。出卡什城有九孔石橋。跨西加打慮亞河上。春時盛漲。可資灌溉。人夏淺小。地有草。名曰依西慮克。可療百病。元史譯文證補。卡什西二百中里。有隋時那色波國。元西北地附錄之。那黑沙不也。鄒圖作雅巴的。元英宗至治元年以後。蒙古稱其地曰喀爾什。以察哈台五世孫貝克汗。於其地建宮殿。蒙古名宮殿曰喀爾什。故亦名其城。然有足紀者。丁謙謂西人考波斯史。當薩山朝。奴而失宛王在位時。西一三三一年間。中國可汗兵至錫爾阿母兩河間。近那克迫舍。沙即那黑之地。敗海脫勒汗。以年表考之。時波斯王爲哥士羅。中國可汗。當指北周武帝。蓋此三十餘年間。周齊並起。然齊兵不能越周境而入西域。必爲周武帝。此遠征軍。非常偉績。周書佚而不記。可惜也。

卡什西北有喀桑城。隋之何國。唐之屈霜尼那國。

唐書西域傳。何或曰貴霜匿康居小王附墨城故地。永徽時以其地爲貴霜州。喀桑俄屬游記作加桑。距卡什十六英里。經加刺甘木地。又前爲確札摩布刺。距喀桑二十英里。有戶六七十。皆爲客舍。又前八英里爲加其耳。有井曰薩打巴。上覆圓蓋。西一六〇〇年。明萬曆二十八年阿打刺汗所造。以飲行人。又前爲加羅魯。距卡什五十三英里。建高屋一所。亦阿打刺所建。駐兵三十。保護行旅。加羅魯途中有苦利米鹽湖。長六英里。深二十五至五十英尺。有魚而無行舟。又前爲治打里克。又五里爲加干村。又五里至布哈拉都城。其云治打里克。當卽瑪里克也。

河西行。南岸有海拉脫城。元史本紀之也里城。今阿富汗境之名區也。有守邊礮臺。海拉脫。見元史譯文證補。鄒圖作候勒特。彙編作赫拉特。又作希拉特。元史本紀。太祖十七年壬午春。皇子拖雷克徒思。匿察兀兒等城還軍木刺夷國。大掠之。渡柵柵。闌河。卽阿母河克也里等城。遂與帝合兵攻塔里寒寨。拔之。也里。卽鄒圖候勒特城。爲

阿富汗地。在今布哈拉東。阿母河南。元史譯文證補。太祖西征。命皇子拖雷取海拉脫。十七年復叛。案只吉歹往攻。六月餘破之。殺其民一百六十萬。後又殺二千人。惟十六人居鄉以免。海拉脫國。據元史譯補。始於郭耳前王基亞代丁。以歐薩爾堡巴在而黑西南封其臣台朮哀丁。握斯蠻。太祖西征。其子屋肯納丁。自結於蒙古。後其子射姆哀丁被逐。憲宗卽位。入覲和林。封以海拉脫。札姆八開而斯。庫蘇治。富神赤。圖勒克。開沙。非洛斯因。喀爾朮斯單。謨而噶伯。馬魯察克。法里阿白。北及阿母河而止。東南則哀司非沙耳。費而拉。昔義斯單。喀不爾。梯而拉。阿富汗斯單。原注以上大抵塞堡之類非輻輳大塞也以至於印度。世爲西域附庸。稱臣納貢。後西域開藩。屬於旭烈兀。以其都於海拉脫。故謂之海拉脫國。享國百餘年。至帖木兒西來。始見滅。按其地後屬阿富汗。同治時英俄爭中亞地。英人助阿富汗。築礮臺於印度河。西通鐵路。以達堪達哈爾。堪達哈爾西北。卽海拉脫。去你沙不兒五日程。你沙不兒。卽元史匿察兀兒。親征錄之。你沙兀兒。西圖作尼沙努爾。或作尼沙普兒。城在今波斯東北。馬什特西二百里。海拉脫

東爲印度固斯

卽庫什

大山，不便行軍，故海拉脫爲阿富汗門戶。亦西北印度門戶。彙

編。希拉脫有堅固礮臺。昔年俄人攻至十閱月，爲阿帥拍廷稠出力擊退。西一八八

○年

卽光緒六年

英與波斯立約，以海拉脫割屬波斯，協力經營阿富汗，並許英自波斯

故都特黑蘭興築鐵路，以達波斯海灣，而阿酋哈拉特以重兵守海拉脫，與英備戰。

英防印度，以阿富汗爲門戶。海拉脫當阿境之北，俄踰阿母河，斯地實爲之衝，故英

俄與阿，皆重視之也。

河西行，北岸有基里非城，西至波斯，南至阿富汗之要道也。

基里非城屬布哈爾，在今卡什東南。阿母河北岸，出鐵門而南，由此渡河。元史譯補

以爲古時渡河，取道此城，今改由城西。元史薛塔刺傳，從征忽縵帖里麻賽蘭諸國。

帖里麻，元史亦謂之忒耳迷，卽基里非之異譯。唐書之怛密國，亦此地也。元史又載

太祖克忒耳迷，至阿母河，不能渡。張榮

元史有傳

請造橋，以一月爲期，乃督工匠造船百

艘，遂濟河。巴爾黑城迎降，由城東行約四百里，有塔里寒山，元祖避暑行宮在焉。西